

베를린 자유대학교 강의/ 장원석 24<sup>th</sup> June 2024

논어 읽기 Reading selective passages in the Confucian Analects

<論語> 논어

- 1.子曰：「學而時習之，不亦說乎？有朋自遠方來，不亦樂乎？人不知而不愠，不亦君子乎？」(1/1)
- 2.子在川上，曰：「逝者如斯夫！不舍晝夜」(9/17)
- 3.子曰：「吾十有五而志于學，三十而立，四十而不惑，五十而知天命，六十而耳順，七十而從心所欲，不踰矩。」(2/4)
- 4.子曰：「君子不器。」(2/12)
- 5.子曰：「君子之於天下也，無適也，無莫也，義之與比。」(4/10)
- 6.子曰：「君子喻於義，小人喻於利。」(4/16)
- 7.子曰：「參乎！吾道一以貫之。」曾子曰：「唯。」子出。門人問曰：「何謂也？」曾子曰：「夫子之道，忠恕而已矣。」(4/15)

8. 子曰：「知者樂水，仁者樂山；知者動，仁者靜；知者樂，仁者壽。」(7/23)
9. 子曰：「後生可畏，焉知來者之不如今也？四十、五十而無聞焉，斯亦不足畏也已。」(9/23)
10. 子曰：「仁遠乎哉？我欲仁，斯仁至矣。」(7/30)
11. 顏淵問仁。子曰：「克己復禮為仁。一日克己復禮，天下歸仁焉。為仁由己，而由人乎哉？」顏淵曰：「請問其目。」子曰：「非禮勿視，非禮勿聽，非禮勿言，非禮勿動。」顏淵曰：「回雖不敏，請事斯語矣。」(12/1)
12. 子曰：「巧言令色，鮮矣仁。」(17/17)
13. 子曰：「君子和而不同，小人同而不和。」(13/23)
14. 子曰：「人能弘道，非道弘人。」(15/29)
15. 子曰：「予欲無言。」子貢曰：「子如不言，則小子何述焉？」子曰：「天何言哉？四時行焉，百物生焉，天何言哉？」(17/19)

